

Early Childhood Connector | Lub Xya Hli Xyoo 2025

Koj tsab ntawv xov xwm peb lub hlis twg hais txog kev saib xyuas me nyuam yaus thiab kev kawm ntawv thaum ntxov.

Muaj nyob hauv tsab ntawv xov xwm no

Early Childhood Connector Lub Xya Hli Xyoo 2025	1
Koom Peb Rau Lub Rooj Sib Tham Connector Call Tom Ntej	2
Tus Qauv Siv Los Them Nyiaj Hli Tshiab Thiab Lwm Yam Tsab Ntawv Tshaj Tawm Hais Txog Kev Kawm Thaum Yau	2
Kev Hloov Kho Qhov Early Childhood Indicators Of Progress Yuav Los Sai Sai Tom Ntej No	3
Cov Theem Tshiab Rau NAEYC Accreditation Thiab Parent Aware Ratings	3
Legislative Lub Rooj Sib Tham Los Tswj Cai Xyoo 2025 – Cov Ntaub Ntawv Qhia Txog Kev Tso Cai Zov Me Nyuam	3
Help Me Connect Yog Qhov Chaw Zoo Tshaj Los Nrhiav Tus Kws Doula Hauv Minnesota	4
Cov Kev Pab Rau Tsev Neeg, Me Nyuam, Thiab Cov Chaw Zov Me Nyuam	5
Puas Muaj Lus Tawm Tswv Yim?	5
Puas Muaj Lus Nug?.....	5

Koom Peb Rau Lub Rooj Sib Tham Connector Call Tom Ntej

Koj puas muaj lus nug txog ib qho kev pab cuam los sis ib txoj cai? Cov kws qhia ntawv rau me nyuam yau tuaj yeem xa tau lub nug mus rau lub xeev, nws mam li teb cov lus nug ntawd rau lub rooj sib tham Early Childhood Connector Calls. Cov rooj sib tham no tshwm sim ib zaug hauv peb lub hlis twg nyob rau online hauv WebEx. Yog koj koom tsis tau lub rooj sib tham, lawv yeej muab nws kaw cia thiab sau cov lus nug thiab cov lus teb rau hauv daim ntawv. Muaj kev txhais lus ua lus Mev, Hmoob, thiab Somali. Yog xav paub ntau dua, mus saib [Early Childhood Connector lub website](#).

- **Hnub hu tom ntej:** Hnub Tuesday, hnub tim 21 Lub Kaum Hli Xyoo 2025, 7–8 tsaus ntuj
- **Qhov txuas sib tham:** <https://minnesota.webex.com/minnesota/j.php?MTID=m8bec87608d692be6d4924585b35ec607>
- **[Xa koj cov lus nug rau ntawm no](#).** Xa cov lus nug no ob lub lim tiam ua ntej hnub yuav sib tham.

Tus Qauv Siv Los Them Nyiaj Hli Tshiab Thiab Lwm Yam Tsab Ntawv Tshaj Tawm Hais Txog Kev Kawm Thaum Yau

Tus qauv siv los them nyiaj hli tshiab rau cov kws cob qhia me nyuam yau yog ib feem ntawm ib txoj kev npaj nyob thoob teb chaws los daws qhov teeb meem uas them nyiaj hli tsawg hauv cov hauj lwm zov me nyuam thiab kev kawm ntawv thaum yau. Tsab ntawv tshawb fawb tshiab uas tsoom fwm tso tawm hu ua [Child Care and Early Education Professional Wage Scale and Comparable Competencies](#), uas kuj muaj ib tus qauv them nyiaj hli rau cov kws cob qhia me nyuam yau hauv Minnesota. Tsab ntawv no tseem qhia kom them nyiaj rau cov kws cob qhia me nyuam kom sib npaug li cov xib fwb qhia ntawv qib K–12 uas muaj ntawv pov thawj thiab kev paub zoo sib xws. Lwm cov kev pom zoo suav nrog kev teem tus nqi them nyiaj hli raws li qhov uas ib tug neeg yuav siv nyiaj txhua hnub (cost of living) thiab kev txawj los ntawm kev cob qhia thiab kev paub los ntawm kev kawm ntawv. yog xav paub ntxiv txog daim ntawv tshaj tawm no los sis xav siv tus qauv them nyiaj hli no los ua ib qho cuab tam, tiv tauj Jessica Richards ntawm jessica.richards@state.mn.us.

Lub xeev nyuam qhuav tso tawm lwm yam ntawv tshaj tawm uas muaj feem xyuam nrog kev zov me nyuam thiab kev kawm ntawv thaum yau, xws li:

- [Barely Getting By and Never Getting Ahead: Informing the Need for Pay Equity Through Minnesota’s Early Care and Education Workforce Pay Equity Pilot](#) (Lub Kaum Ob Hlis Xyoo 2024)
- [Child Care Assistance and Cost-Based Rate Setting](#) (Lub Ib Hlis Xyoo 2025)
- [Legislative Memo: Number of Grants Awarded to REETAIN Recipients and Outcomes](#) (Lub Kaum Ob Hlis Xyoo 2024)
- [Legislative Report: Great Start Compensation Support Payment Program](#) (Lub Ib Hlis Xyoo 2025)
- [Legislative Report: Parent Aware Quality Rating and Improvement System: Evaluation and One-Star Rating](#) (Lub Kaum Ob Hlis Xyoo 2024)

Kev Hloov Kho Qhov Early Childhood Indicators Of Progress Yuav Los Sai Sai Tom Ntej No

Early Childhood Indicators of Progress (ECIPs) yog qhov qauv kawm ntawv rau cov me nyuam yau hauv Minnesota, uas qhia txog qhov kev cia siab rau yam uas cov me nyuam yau (txij hnuv yug txog 5 xyos) yuav tsum paub thiab ua tau raws li lawv txoj kev loj hlob.

Qhov kev hloov kho ntawm qhov Early Childhood Indicators of Progress yog los xyuas kom cov qauv tseem haum rau kev siv, raws kev tshawb fawb, thiab suav txhij rau txhua tus me nyuam hauv Minnesota. Cov hom phiaj tseem ceeb ntawm txoj kev hloov kho no muaj xws li:

- Ntxiv cov kev tshawb fawb tshiab txog me nyuam kev loj hlob kom phim rau cov kev coj ua zoo tshaj plaws tam sim no
- Hloov kho cov qauv kom suav txog txhua tus neeg uas nyob hauv Minnesota, suav nrog txhua haiv neeg, lus, thiab kev loj hlob sib txawv
- Ua kom phim tus qauv ntawm Minnesota State Kindergarten Standards kom muaj kev txuas yooj yim ntxiv rau kev kawm thaum yau mus rau qib kindergarten

Cov ntaub ntawv uas hloov kho tag lawm yuav muaj tso tawm rau ntawm Minnesota Department of Education thiab Department of Children, Youth, and Families cov website nyob rau Lub Xya Hli. [Kawm kom paub ntxiv txog cov txheej txheem hloov kho no.](#)

Cov Theem Tshiab Rau NAEYC Accreditation Thiab Parent Aware Ratings

Ua ntej Lub Tsib Hlis Xyoo 2025, NAEYC tsuas muaj ib theem los qhia qhab nia xwb. Tam sim no, NAEYC muaj peb theem: recognition, accreditation, thiab accreditation plus. Txij no mus, cov programs uas muaj NAEYC qhab nia yuav tsum xaiv seb lawv xav mus rau theem twg.

Yuav pib siv pib Hnuv Tim 1 Lub Xya Hli Xyoo 2025, cov program uas xaiv theem accreditation thiab theem accreditation plus los ntawm NAEYC yuav tau txoj kev tsim nyog los siv qhov Parent Aware Accelerated Rating Pathway. Ntxiv rau ntawd, ob theem no kuj yuav nyob rau ntawm qhov 15 feem pua them rov qab hauv tsoom fwv pob nyiaj pab Child Care Assistance Program uas them rau cov programs uas ua hauj lwm tau zoo heev. Qhov kev hloov no muab lo lus "theem" txhais ua kom txhob nruj heev tiam sis kom suav tau cov kev tshiab los txheeb xyuas cov qhab nia.

Legislative Lub Rooj Sib Tham Los Tswj Cai Xyoo 2025 – Cov Ntaub Ntawv Qhia Txog Kev Tso Cai Zov Me Nyuam

Lub rooj sib tham los tswj cai nyob rau xyoo 2025 tau xaus rau hnuv tim 19 lub Tsib Hlis 2025, thiab muaj ib qho rooj sib tham tshwj xeeb ntxiv nyob rau lub Rau Hli los ua kom tiav tej hauj lwm uas tseem ua tsis tau tiav. Cov

lus tshaj tawm tshiab no tau muaj xa mus rau cov neeg zov me nyuam hauv tsev thiab cov chaw zov me nyuam uas muaj daim ntawv tso cai, nrog ib qho kev piav luv txog kev hloov ntawm kev tso cai. Cov lus piav qhia txog cov kev hloov no mam muaj qhia tawm rau lwm lub sij hawm. Cov chaw zov me nyuam uas tau daim ntawv pov thawj twb tau txais ib daim ntawv qhia uas qhia meej txog tej kev hloov uas yuav cuam tshuam rau lawv cov programs.

Yog xav saib cov lus tshaj tawm no thiab cuv npe kom tau txais cov xov xwm tshiab, mus xyuas cov websites ntawm [licensed family child care](#), [licensed child care centers](#), and [certified child care centers](#).

Help Me Connect Yog Qhov Chaw Zoo Tshaj Los Nrhiav Tus Kws Doula Hauv Minnesota

Ib xyos tom qab tau tso tawm daim ntawv teev cov kws doula, lub website [Help Me Connect](#) hauv Minnesota tau loj hlob mus ua ib qho chaw uas teev cov doulas coob tshaj plaws hauv lub xeev, nrog rau ntau yam kev tshawb nrhiav uas yooj yim los mus nrhiav tus kws doula.

Lub Minnesota Department of Health (MDH) txhawb kom cov tsev neeg mus siv lub website [Help Me Connect](#) los nrhiav ib tug kws doula, thiab tseem thov kom cov kws doula mus cuv npe rau qhov kev pab cuam dawb no thiab.

Qhov Help Me Connect muaj ib co duab uas qhia cov chaw pab nrhiav cov kws doula, nrog tshaj 30 yam txoj kev los xaiv, xws li kev pab yug me nyuam hauv tsev, kev coj noj coj ua los sis kev ntseeg, thiab cov kev xaiv los them nyiaj.

Cov doula pab txhawb niam txiv nrog kev pab txog lub cev, kev xav, thiab kev tswj tus kheej ua ntej, thaum, thiab tom qab yug me nyuam. Muaj tus kws doula uas paub txog koj haiv neeg, muaj kev paub nyob hauv zej zog, los sis kev coj noj coj uas yuav pab tau kom muaj kev paub zoo dua txog kev yug me nyuam.

Kev tshawb fawb qhia tias yog muaj tus kws doula nws yuav pab txhawb nqa tau tej yam zoo xws li:

- Pab kom yug me nyuam sai dua.
- Txo qhov kom txhob raug phais plab (c-section) thaum yug me nyuam.
- Muab txoj kev pab ua kom txhob hnov mob heev.
- Txo kev ntshov siab thiab kev txhawj xeeb.
- Pab txhawb tus khub/txij nkawm.
- Feem ntau, tus me nyuam yuav ua pa tau zoo thiab lub plawv yuav dhia zoo heev.

Txoj kev txhawb ntawm ib tug doula tseem ceeb heev rau cov zej zog uas ntsib kev sib cais, xws li cov neeg Dub, neeg Khab, neeg txawv xim, tsev neeg ua tau nyiaj tsawg, LGBTQ, los sis cov neeg nyob zos me. Muaj ib tug doula pab tau tsev neeg kom muaj kev nyab xeeb, muaj peev xwm los mus txiav txim txog lawv lub cev thiab tus me nyuam, thiab muaj kev sib raug zoo nrog lwm tus.

Nyeem ntxiv txog cov doulas thiab cov neeg pab yug me nyuam hauv MDH lub website: [Doulas and Birth Workers in Minnesota](#).

Cov Kev Pab Rau Tsev Neeg, Me Nyuam, Thiab Cov Chaw Zov Me Nyuam

- [Help Me Connect](#)
- [Office of the Ombuds for Family Child Care Providers](#)

Puas Muaj Lus Tawm Tswv Yim?

Qhia seb koj xav li cas txog tsab ntawv xov xwm no los ntawm txoj kev [teb daim ntawv ntsuam xyuas no](#). Koj cov lus teb yuav pab lub xeev txhim kho kev sib txuas lus ntawm cov chaw zov me nyuam thiab cov kws qhia ntawv.

Puas Muaj Lus Nug?

Email cov lus nug mus rau rachel.blair-paladino@state.mn.us.